

直隸叙永廳志卷六

山川志

直隸叙永廳

彌勒山 治南門內上建廳文昌廟

寶真山 治西門內上建縣文昌廟

雷家山 治南城內

白家山 治南城內

趙家山 治西城內

鐵灌山 西城內山有遺鐵約數千觔故名

直隸叙永廳志

卷六

山川

一

鼓樓山 治城西

鐘樓山 西城內相連鼓樓山高出數仞有若鐘

焉

周家山 西城內

真武山 治東

文筆山 治東

天馬山 治東門外

鳳凰山 治西

龍鳳山 治西

西珠山 治西南山形圓瑩如珠

土保山 治城東昔夷人土保居此

永洪山 治南十里通志名洪山

紅巖山 治北二十里高出萬仞土石俱赤六月

猶寒積雪不化八景紅巖霽雪卽此上有雷劈

石玉皇觀前有卧龍臺後爲觀音閣右有圓覺

洞石上鐫有十二圓覺菩薩洞門敞豁深六十

尺入不煩炬洞前有香泉井山巔有半月泉水

皆甘冽盛暑掬之寒可沁骨

直隸叙永廳志

卷六

山川

二

定風山 治北紅巖下

雪山 治西五十里高出羣山林木蒼蔚相傳

爲月溪祖師道場

木案山 治東南五十里上有林木下平如案

疋絹山 治西北六十里山頂飛流宛如疋絹

海漫山 治北延袤八十餘里如海水汗漫

平臺山 治西北七十里與寶鼎山相連卽馬嶺

歇龍山 治南七十里

乘龍山 治東八十里

九鼎山 在江門治西北百里

後山 治東百五十里界貴州畢節縣

流沙巖 治北隔江壁立沙石赤色若丹砂沙流

有痕相傳巖上沙流則發科第故又名掛榜巖

八景流沙懸練卽此

飛泉巖 治西五十里高百仞瀑布經冬不歇

漫嶺 治西五里疊嶂層巒時有雲氣上騰八

景漫嶺騰雲卽此

分水嶺 治西南八十里水經注南廣縣汾關山

直隸叙永廳志

卷六

山川

三

符黑水所出入大江處謂之南廣口按今之汾

關山半爲滇之鎮雄地半爲川之永寧地見琪

縣志曾受一符黑水辨以此考之汾關山卽分

水嶺

石筍 治西四十里巖形如筍參差森立

清水河 源自鎮雄山洞經兩城之間下通納谿

大江

綿陽河

見通志  
圖內

治西水經注江水自夔道東經

漢安縣北又與綿水合水出漢安縣西三源合

流謂之綿水也東北流經其縣北入江謂之綿水口按綿水有三源者卽今叙州府長寧縣之涓溪長寧在叙永之西漢爲漢陽縣水經綿水出漢安縣安字應是陽字之訛或因綿水西連漢陽故謂綿陽河未可知錄存考

宋江河 源出大壩營北洞中下流合永寧河至納谿入江按新唐書瀘州督羈糜宋州水蓋以州得名也今通志載在瀘州下

大魚洞河

直隸叙永廳志

卷六

山川

四

小魚洞河

二水俱出大壩合流經瀘衛至宋江橋合永寧河

九溪河 治東

儒 河 治東

阿郎河 治西八十里入建武界

沙壩河 治東南

道場河 治西南

落巖河 治西北

通江溪 源出貴州界經城南十五里會江門峽

姑溪 治南十五里源出蠻界流入魚漕溪

猿猴溪 治東北

鐵爐灘 城北掛榜巖下舊駐鐵工以鎮江聲凡

樵牧者多渡此晚尤喧雜八景鐵爐晚渡卽此

周公灘 治北二十里

木訥灘 治北二十五里

大灘 在江門峽治北九十五里兩山陡絕亂

石縱橫灘高水駛聲若轟雷爲諸灘之最險者

直隸叙永廳志

卷六

山川

五

明景川侯曹震開通之故楊升庵侯廟記有永

寧江下瀘州灘磧凡百十餘莫險於江門驛上

下數里之語舟人建鎮江神廟於山腰往來必

禱祀之

新開灘 與大灘相近

夾毫灘 治南二百里

興隆灘

二郎灘 俱在治東三百一十里

按永寧河灘一百九十處至險有名者十二以

上僅錄其素著名者

靈湫泉 治東一百里祈雨卽應

黑林泉 治西六十里旱禱輒應

朝陽硿 大壩城西硿極軒敞平坦可容千人石

乳垂下玲瓏可玩

風 硿 大壩城西十里中有風出吹動草木刻

無停止

十丈硿 在古藺石峽口

灣溪硿 治東二十里相傳硿中有龍嘉慶十六

直隸叙永廳志

卷六

山川

六

年旱同知周偉業率屬禱雨卽應建碑硿旁更

名曰靈湫

穿山硿 治東

泥溪溝 治東北

唐家灣 治西南

天生池 治西北六十里水積山中不假穿鑿

清水塘 治東南

永寧縣

寶珠山 在縣東同知朱孝純建塔於上旁有溪

流水暖魚躍八景寶珠魚跳卽此

葫荳山 縣東城內上有火藥局

五魁山 在縣東

沙子山 在縣西

雷泉山 在縣西

張家山 在縣西

青龍山 在縣南二里山形環繞勢若遊龍

鳳尾山 縣東五里

龍頭山 縣西十里

直隸叙永廳志

卷六

山川

七

雷番山 縣北相傳山中有毒草經過牲畜必籠其口行人亦必緘默若或高聲雖冬月亦有雷霆之應

烏降山 在縣西北五十里秀拔霄漢林木蒼鬱銅鼓溪經其下

天臺山 縣東五十里平地獨聳一山高數百仞四面石壁陡絕不可上土人鑿石作磴僅可容足不可鑿者以木梯引之山頂平坦有井有田可耕可汲相傳爲奢逆屯糧所故謂之天臺屯

今其上有古廟

錦屏山 在普市北

印盒山 離赤水城五里形如印盒與署相對故名

筆架山 赤水南五里與印盒山對峙

青龍山 赤水東三里

香爐山 赤水西三里山聳一石酷似香爐時有雲霧繚繞其上

落幔山 赤水北十里峰巒高聳如懸幔然

直隸叙永廳志

卷六

山川

八

雪山 赤水北二十里竹木叢茂寒冬積雪至

春不消

孫家山

海洪山 赤水西北四十里延袤聳秀林木深密

夏家山 康家山 磨盤山

南山 象山 板廠山

以上俱在赤水中所

獅子山 徐家山

棋盤山 半邊山



以上俱在赤水衛磨泥所境內

烟燉山 赤水白撒所

臘神山 潘家山

高家山 冷家山

以上俱在赤水右所

天鼓山 赤水東山皆巖石壁立千仞河水迅流

水石相激其聲若鼓俗又號轟雷

鳳凰山 赤水東十五里土名海螺堡盤旋屈曲

左懸仙人硿右擁黃泥塋形如飛鳳展翼故名

直隸叙永廳志

卷六

山川

九

今其地為義塚

文家巖 赤水中所

掛旗巖 白石巖

以上俱在赤水磨泥所

青龍巖 王家巖

俱在赤水右所

白地坡 赤水中所

板橋坡 赤水磨泥所境內

梳郎坡 赤水右所

乾柴嶺

桂皮嶺

上馬嶺

以上俱在赤水中所

舊家嶺 赤水磨泥所

毛嶺 赤水右所

石船岡 赤水北五里山脊有石如船形

官地坪 赤水中所

杜家坪 饒家坪

以上俱在赤水白撒所

黃家坪 沙地坪

直隸叙永廳志

卷六

山川

十

杉樹坪 小蒜坪

以上俱赤水右所

仙人洞 在赤水鳳凰山左深里許可容數百人

相傳古有仙人居此今入其洞者沙上有大小  
男女鞋跡相引及出洞亦然

何家碕 落水碕

俱赤水白撒所

猓獾碕 赤水右所

永寧河 東南二水一名水東一名界首東水一

源出縣屬之普市入山伏流二十里至落窩始見一源出廳屬之烏龍溝箐至落窩與普市水合流五里至穿山洞復入山伏流十里至鐵石坎復見由鐵石坎十五里至永城南水一源出雲南鎮雄州之烏稱華嘴箐流至縣屬之兩河口一源出廳屬之雪山箐溝崖峽出過天生橋至兩河口與箐水合通計三百餘里流至永城又與東水合繞城西北經二百五十里至納谿入大江

直隸叙永廳志

卷六

山川

十一

石城河 縣南二十里

赤水河 治東二百里發源於滇之鎮雄歷吼西

關至貴州遵義界經赤水南一里下通符陽大

江無錫吳培有赤水考郡人周文煥有賦并序

見藝文

按赤水河於乾隆十年經雲貴督部院張 奏

准開鑿通運銅鉛嗣因隨開隨塞遂止

東小河 赤水東一里源出板廠山至東門箐入

地潛行或見或伏南流會於赤水

三渡河 赤水東北七十里水流曲折橫截官道  
行者三涉南流入於赤水

白撒河 在赤水白撒所

樊家河 在赤水中所

馬家河 石家河

以上俱赤水磨泥所

景洞河 赤水白撒所

么屯河 赤水右所

漁漕溪 縣西南八十里

直隸叙永廳志

卷六

山川

十二

銅鼓溪 縣西北三十里

甘溪 縣南十里

龍溪 赤水北十二里下注赤水河

陶公灘 縣東南灘長十里

瀑雪泉 赤水北二十里飛掛懸巖入赤水河

一碗泉 赤水東北四十里泉出石隙渟如一碗

雖聚飲不竭

涼水井 赤水磨泥所

安旗屯 巖梯屯

以上俱赤水右所

馬家磴 赤水白撒所

大 埧 東門管

松關管 老鴉管

以上俱在赤水中所

倒流水 東 溝 西 溝

以上俱在磨泥所

巖管溝 大塘溝 西管溝

以上俱在赤水中所

直隸叙永廳志 卷六 山川 十三

帽兒溝 後山溝

以上在白撒所

文家溝 東埧溝

梳郎溝 响水溝

以上俱在赤水右所

杉木灣 在磨泥所

金鷺池 縣西南五十里相傳昔有天鷺羽如黃

金游池內因名明成化時勦大壩都夷集兵於

此池旁有母龍石通志載九姓司下

野猪塘

青魚塘

龍井塘

野鹿塘

以上俱在赤水中所

龍塘

在赤水雪山箐中

直隸叙永廳志

卷六

山川

十四